



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In tabulam acceptæ Legis apud Sina montem. Ode Tricolos Tetrastrophos.
XV.

urn:nbn:de:hbz:466:1-44973

Excitare, & monstrata sequi diætiq̃ue viæque
 Signa, reuertentes gratè memoranda per annos.
 Ergo lecta manus, discissas ducta per vndas,
 Vitalem mirata diem, procul aspicit omni
 Littore proiectos hosteis, numeroq̃ue carentem
 Exanimùm turbam in pelago, partemq̃ue profundo
 Coniicit immerfam cæno, sabuloq̃ue sepultam,
 Liberaq̃ue exultat plebes, laudatq̃ue potentis
ACTA DEI, ARCANAE QVE CANIT
MONVMENTA SALVTIS.

ARCANAE SALVTIS ARGVM.

Quis voluit prodesse Deus, Natura benigna est
 Omnis, at vlticem fert inimica cohors.

DEO VICTORI VINDICI SAC.

In sabulam acceptæ Legis apud Sina montes.

Ode Tricolos Tetraſtrophos. XV.

Quod prima nusquam sæcula viderant,
 Videre cani cum pueris senes,
 Vxorque, nubilisque virgo,
 Turba pauens, populusq̃ue cunctus,
Mortalium vti colloquii Deum,
 Et voce sancti numinis indice,
 Præsentis electæq̃ue gentis
 Fœdera participem subire:
Cum liberatam seruitio graui
 Plebem sacratis montium in abditiis
 Doctorq̃ue, dictatorq̃ue coram,
 Alloquitur, recitatq̃ue leges.
Cui signa præfert sollicitus timor,
 Qui corda miro concutit impetu,
 Clamore perumpens tubæque
 Saxa sono, tremulosq̃ue montes.
Hinc ignis alto deuolat æthere,
 Summiq̃ue tractus montis & aëra
 Collustrat, vrentisq̃ue flammæ
 Congeminat, penetratq̃ue cautes.

Tunc

Tunc explicatis vocibus, optima
 Præcepta plebes, iuraque suscipit,
 Aequumque, prælucentisque verum,
 Fasque pium, officiique normam;
 Legesque certum quæ doceant decus;
 Sed mole monteis concutiant graui,
 Morboque languentis auito,
 Imperio exagitent tremendo:
 Donec potenti numine, cordium
 Illapsus vrat spiritus intima,
 Præstare & expertes pauoris
 Sponte animos meliora donet.

HUMANAE INFIRMITVDI-
 NIS EXAMEN.

Lux terris veneranda micat, mortalia sed quæ
 Lumina præstringens turbet & vsque premat.
 DEO PVRO, SANCTO, TERRIB. S.

In tabulam collectionis mannae.

Ode Tricolos Terraëstrophos. XVI.

P^Enit benigni ex ætheris editam
 Intaminato & munere simplicem
 Miratur annonam legendo
 Plebs alacris, cumulumque magnum.
 Defecta parcis quos tulerat cibus
 Festina sacrum dum sequitur ducem,
 Verbisque concedens supernis,
 Tesqua petit sterilisque tractus.
 Tunc providentis consilio Dei
 Educta turmæ pennigeræ cohors,
 De rore confectas sereno
 Ambrosiamque, epulasque promit.
 Nullis parata hæc dona laboribus,
 Lentis vel anni cursibus, aut graui
 Quæsitæ cularum tumultu
 Lucifer exoriens ferebat.
 Sic dormienti, cui Deus adfuit,
 Adaucta rerum commoda cernimus,
 Aedeisque crescentemque longo
 Tempore progeniem parari:

Dua